

近代中國史料叢刊第八十九輯

沈雲龍 主編

王文敏公（懿榮）遺集

劉承幹編

文海出版社
有限公司印行

王文敏公集

關雲



王文敏公集

宣統癸亥十月

鄭高振霄



南劉求登
林氏怒刊

王文敏公遺集序

福山王文敏公負大雅宏達之才際 稽古右文之世
由翰林曝值 南齋三任祭酒庚子拳匪肇禍公撫膺
悼時慷慨赴義 朝廷賜卹子謚逾於常典所以褒忠
也哲嗣漢章觀察奉公遺集屬爲編輯承幹受而讀之
謹掇言簡端曰自昔羣言淆亂必有一二巨儒干城吾
道近三四十餘年開士驚於新說士苴六藝遂成爲風氣
公獨仰承乾嘉諸老輩抱守遺經思復漢經師傳注之
舊以謂諸儒網羅散失搜輯佚文漢師墜緒賴之以延
其諸天文算術輿地萬志政書奏議私家撰著卓然經

世之書實足恢宏至道於是有請續開四庫館之奏
又以諸經疏義意在輔注所從之注指在善經魏晉以
後易無完注書無完經近則安陸李氏周易集解纂疏
陽湖孫氏尙書今古文注疏實足救正唐孔穎達正義
之失更推及諸家所著羣經疏義以謂家法嚴而後古
義堅門徑清而後學派正於是有請列本朝諸儒所
撰十三經疏義于學宮之奏公又好金石之學謂形上
爲道形下爲器古者藏器於禮其銘詞又皆大小雅之
才是道器合一證經考史所必資也凡公所建議皆所
以翼經明道卽異說自無所容其喙昔眉山蘇氏序六

一居士文謂其學推韓愈孟子以達於孔氏今承幹謂公之學推乾嘉諸老以達於賈馬許鄭雖所值之世不同其爲息邪詎訛作吾道之干城則一也序而論之俾後之讀公集者識所忻趨焉癸亥浴佛日吳興劉承幹

王文敏公遺集序

曩者士盛跋張肖齋苗仙麓兩先生論心圖因推論
國朝學派之盛衰漢轅唐而主持風會者必有一二鉅
人長德倡之於朝而天下翕然從之蓋自乾隆季年以
遠道咸之際厥惟阮文建公祁文端公爲眾流之歸墟
焉同治中興右文稽古海內所宗仰者爲吳縣潘文勤
公常熟翁文恭公而其時接武於吳縣常熟者實爲福
山王文敏公公少習贈公蓮塘觀察家訓受業周夢白
先生之門旣聞劉燕庭方伯陳簾蕭學士緒論通漢學
家言尤究心金石與張文襄公吳憲齋中丞鮑子年太

守爲身心性命之交文襄與公爲姻婭督蜀學日介繆
藝風參議至京師謁公公時已名滿都下鑒別宋元舊
槧攷釋商周彝器得公一言引爲定論藝風旣與公締
交如平生懼公屢試有司敷陳古誼連不得志至己卯
乃受知於藝風論者以爲燉談而藝風與公終身相處
於師友之間公以庚辰入翰林一歸里門迂道濰水復
省贈公於成都單車行役馳驅河洛秦蜀之郊所至則
爲殘碑訪賸碣采獲百端輦至京邑公旣廻翔三館綿
歷十年中朝言學者自吳縣常熟外惟公丰采隱然負
時重望名流蹤萃趾錯於門甲午以大考擢侍讀 特

命入直 南齋 乾清宮之東北爲 昭仁殿貯 天
祿琳瑯殿側有古董房儲藏書籍乃乾隆時諸臣所未
搜輯者公與同直諸公奏請編訂目錄得宋元明槧本
若干種撰爲提要擬名曰 天祿琳瑯補編稿本狷具
自以事變不果奏刊公端居深念動關天下大計日高
之役奉 命回籍辦理團練事定還 朝晉國子祭酒
洎庚子拳亂作復 命公會辦京城團防時公退食之
暇校訂樓閣罕附人先生同文尙書手稿願謂上鑑曰
牟先生一生精力萃於是出其精遠淵奧有過於季述
良庭諸老者吾嘗必理而放之以彰絕學特世亂方殷

未始能卒業否因唏嗟慨歎不能自已指國中古井曰
他日若有非常之變吾其得死所矣七月二十日同直
禁廷敵氛偶近遂與公別翌日 兩宮西幸公聞警
慷慨從容大書主辱臣死數語具衣冠再拜自湛於井
公夫人謝家婦張同殉士鑑追扈豹尾左轉河汾聞公
殉節哭於中達賦詩弔之甲辰還 朝適公子漢輔漢
軍副公京邸園林爲祠堂天人眉宇瞻拜悽愴訪問公
所蓄金石圖籍太半散佚著述存者放紛待理宣統初
元公女夫吳漢生觀察集公經進稿奏疏稿二卷印於
金陵士鑑私煮公之文字當不止此櫛櫛修門未遑甄

宋國變十載流轉江湖漢輔歿於析津漢車百計搜求
於經進奏疏稿外得遺文遺詩福山金石志殘稿天壤
罔雜記漢石存目都爲遺集八卷吾友翰怡京卿慨慕
忠微燁章文獻受而校刊之命士鑑爲之序士鑑以爲
公之孤忠大節自有千秋初不藉文字以傳而卽此僅
存之文字亦皆萌抵經術擢擇治要具匡時勸學之懷
士鑑追隨日久論學同源今則偷活草閒傷時感逝諸
舉公生平志事弁諸簡端不獨乾嘉盛時渺難接軫卽
倪仰三十年前方寓清晏華雅彬彬亦復曠如隔世此
則關於學術絕續之憂世變興廢之感不禁綴筆而涕

兩垂膺也癸亥三月庚子鑑謹序

王文敏公遺集目錄

卷一

經進稿

卷二

奏疏

卷三

奏疏

卷四

求闕文齋文存

卷五

正讀亭詩

卷六

福山金石志殘稿

卷七

天壤閣雜記

卷八

漢石存目

王文敏公遺集卷第一

求恕齋叢書

福山王懿榮著

吳興劉承幹編

經進稿

醇賢親王圍寢冬至祝文

天心來復世德遐昌鸞笙噦噦犧尊錚錚靡瞻

神隧引跽

顯蒼敢陳

弓玉式此馨香伏惟尙

饗

右一道

霞雲飛瑄箭律調鍾幽贊資富椀藏銘崇眷承

於穆靈協豐融

靈原魏御嘉告潛通伏惟尙

鑒

右一道

醇賢親王碑文

光緒十八年四月二十一日

光緒十六年十一月禮臣奏上醇賢親王喪儀以碑文

請欽奉 皇太后懿旨碑文皇帝親製子御名承

命維謹越三年歲次壬辰四月筮日恭舉葬禮於是

邀流涕讓次勳德勒諸貞石其辭曰我 本生考醇賢
親王 皇祖宣宗成皇帝第七子也母 莊順皇貴妃
生而明敏敦厚孝謹爲 皇祖所鍾愛六齡入上房讀
書十齡能騎射習火槍 文宗顯皇帝御極封爲郡王
睿遇優渥往往乘舟賦詩或從獵行圍一如家人體
穆宗毅皇帝嗣位 兩宮 皇太后垂簾聽政晉封親
王授御前大臣 命在弘德殿照料讀書入則輔導
聖躬出則規畫戎略創立神機營選八旗兵丁之材者
親加訓練由是京師有礮隊勁兵同治十三年 穆宗
升遐 皇太后命子小子人承大統我 本生考醇賢

親王深懷謙抑於 皇太后前辭免職務 懿旨俯允
而倚畀益隆 命以親王世襲罔替凡軍國重大之事
無不諮焉既仍管神機營又以創設海軍 命綜其事
歲丙戌躬閱海口形勢遂由天津歷煙台旅順輪舶駁
風海波不興各國使臣鱗集羽濩爭覩顏色於是講求
船械議開鐵路恢恢乎有經營六合之規蓋上稟 慈
訓下集羣謀殫心竭思未嘗一日釋也至於經始大工
百度具舉程材度地昕夕靡懈而雄文麗句浩若江海
舉筆立就得於登臨覽觀時爲多嘗輯典謨中法語大
書一通并述 列聖艱難之業 東朝覆育之恩成誠

勉詩二章揭諸講殿之壁俾予小子出入省覽又嘗鑑
衆明議禮之失具疏密奏 皇太后謂歷代繼體之君
推宗本生父母當以宋孝宗不改子僞秀王之封爲至
當將來如有援引治平嘉靖之說進者務加屏斥俾千
秋萬世勿再更張迨光緒十五年大臣中有請議尊崇
典禮者仰蒙 皇太后宣示此疏褒揚我 本生考醇
實親王以爲純臣心事古今莫及嗚呼儀禮爲人後者
之義 高宗純皇帝渙議辨昭示於先 本生考醇賢
親王豫社妄論疏闕發於後實足以盡人倫之極則而
立臣子之大防此所謂一言而爲萬世法者也 本生

考醇賢親王以道光二十年九月二十一日誕生光緒十六年十一月二十一日薨逝春秋五十有一寢疾之時 皇太后臨邸看視及薨 特諡曰賢自殯及葬 親賜奠醑者數四蓋曠典也 園寢在京師西山妙高峰首庚趾甲規制如親王禮嗚呼以 本生考醇賢親王之宏猷茂績允宜夾輔 宗 社用保乂我邦家而天不假年遺志未竟則予小子之思慕其有窮期耶敬舉大節質言無文以申 慈命以告臣民以垂永永無極之世

晉贈太保致仕大學士寶蓋入祀賢良祠祭文

奉

天承運

皇帝制曰朕維紀鼎彝之事業亮采勛高薦俎豆之馨
香崇祠典重松銘表隧旣撰德於繪裏椒精升筵宜垂
榮於酌祀式隆妥侑用答勤勞爾致仕大學士竇察學
識宏通才猷練達起家禮部已拔英聲供職翰林尤標
雅望迨擢居於卿貳遂預贊夫樞機表許國之憂忱匪
躬蹇蹇建匡時之茂績惟日孜孜敷教旣寬爰修九法
謙疑旣愼復兼六銓洵歷試之有庸迺元儻之特簡休
休之度足以綜羣材翼翼之心足以周庶務教卷阿之

吉士領秘閣之清班總闕禁營則步伐期於整銳專司
內府則出納矢以恪勤泊致政於懸車猶承恩於詔精
方期優暇適歎淪徂繼政府之訐謨每思前績稽秩宗
之典禮蓋有舊章懿彼賢良宜膺廟祀於戲雲縈華煥
風節常留牲用聚而幣用量庶歆嘉薦事功勞而民功
力永著微庸靈而有知尙其來格

晉贈太保致仕大學士竇登碑文

奉

天承運

皇帝制曰朕維國家垂恩錫命聿昭眷舊之懷人臣宜

力奉公尤重酬庸之典生則任隆鼎彝巽丹辰以綏猷
歿則名載旂常鑄翠珉以紀績絲綸賁寵奄多增輝爾
晉贈太保致仕大學士寶璽器本圭璋才兼經緯湖都
爾古之昆弟燕翼百年維索綽絡之宗支蟬嫣四相始
分曹於儀部繼晉秩於宮僚驚秦旋麟鳳池游歷佐容
臺之禮樂參計省之度支籌緩急而屢進謙言樸誠自
矢備儲胥而力裁糜費寵辱何驚遂受

先皇特達之知用 函勿親承之寄回朔八座敷歷五
卿總萬國之梯航邦交式固閱六軍之聲旂戎政畢修
泊乎簡任參知旋登端揆名協金甌之下才符玉鉉之

升領袖槐廳則以清修砥士楷模芸館則以正學育材
疊錫宮銜屢司文柄迨優游私第殊恩靡閒於初終緬
傷直內廷碩德允符於中外何圖隕謝良用盡傷既考
禮以錫寵章爰易名而垂令聞諡曰文靖稱其平生晉
謝安之從容宴衍資以廟謨元虞集之表裏彌綸用爲
世寶於戲旌黃扉之勛烈在大廷寶典備哀榮流青簡
之聲施爾後嗣宜業承忠孝豐碑傑峙永炳千秋

贈太子少保銜致仕大學士閻敬銘祭文

奉

天承運

皇帝制曰朕惟鹽梅梓鼓生材原一德之兼資酒粟脯
芻察祭乃五官之舊事隆典型於曩昔鬱悼惜於衷懷
用撫遺章特頒嘉奠爾贈太子少保銜致仕大學士閻
敬銘操履清勤才猷練達始論官於翰苑繼分職於戶
曹值萑苻未靖之秋早資偉略與芻粟總司之役同奏
膚功陳臬事而風清荆楚管鹽政而詔下青齊於是超
騰疆寄受朝廷特達之知轡沛綸音勛臣子作忠之節
蒞雄藩於海岱咸慶枚板養冲抱於林泉不渝雅素司
馬光之謝病身既退而名益高富彥國之振饑吏不披
而民獲濟鑿其怨勞能任降天語以頻數知爲慈惠之

師起地官而晉擢迨入贊夫樞密更兼攝夫本兵討護
辰告紫禁駢馳典禮匡勳黃裳扈蹕惟異數之常需益
公誠之自矢慎覈源流本周官九式之法詳稽掌故修
唐世六典之書國家玉鉉升才金甌卜相參知既拜揆
席旋登後先皆不次之遷內外惟一心之任體高年之
況瘁勉解其機務之煩冀早起夫沈疴曲遂其邱園之
請望中條之霽色歲月方長虞上界之星芒老成遠謝
典重飾終恩隆奠醑爰考績而錫嘉名複製詞以申篤
念憶贊襄於左右庶績咸熙綜廉讓於初終三公不易
於戲目極於河水 山風煙悽愴神歸乎蒲闕高壘牲

備苾芬馨香往薦靈爽來歆

贈太子少保銜致仕大學士閻敬銘碑文

奉

天承運

皇帝制曰朕惟助高輔弼表人臣宣力之忠典備哀榮示國家酬庸之禮生則任隆鼎藉歿則名列旂常芝綵用頒松栢式煥爾贈太子少保銜致仕大學士閻敬銘居心亮直莅事清勤起輟發乎詞垣踵翔回夫郎署時糗芟於荆楚墨翟移思管鹽筴於青齊紅旌趙拜潘條泉樹瀛江攝風化之司牙濼瑤戈海岱成巖險之寄李

栖筠宰相重望頻煩北闕之書謝安石朝野翕稱不墜
東山之志屬備年於元二惟晉與秦慰軫屢於九重自
雍及絳卽家徵授農父爲順保萬民之官在職兼行夏
卿有董正六師之責直樞廷而親承密勿參揆席而益
著公誠旣薦陟夫元僚尤渥霑夫異數匪躬蹇蹇當官
則勞怨並任惟日孜孜體國則源流統計楊精之裁決
庶務兼領戶曹杜佑之諳習舊章董修邦典彰扈從而
賜服象叶黃裳眷勞動於趨班驟乘紫禁乃軍國正資
夫倚畀而林泉堅請乎優容富彥國謝退汝州後先存
問歐陽修僑居穎上奄忽淪徂援禮飾終加恩醮祭第

壽輅於春官驛珍饈於御廚謚曰文介載在史書名圭
罷錫撫千餘歲以茫茫貞石論操懷一个臣兮斷斷於
戲輔丹辰以綏猷早樹鹽梅之芳烈錫翠琅而紀績長
留河嶽之英靈實勒豐碑昭垂來禩

奉
贈太子少保銜長江水師提督李成謀祭文

天承運

皇帝制曰朕惟國家治隆武備雅需禦侮之材人臣勛
懋戎行禮有追榮之典旣勤勞於往昔鬱悼惜於哀懷
用撫遺章特頒嘉奠爾太子少保銜長江水師提督李

成謀賦性樸誠秉姿剛毅奮從行伍素披堅執銳之功
擢自偏裨展掃穴擒渠之略值東南之未靖命將帥以
徂征宣我洪威殲茲小醜由武弁而游膺節鉞令肅雅
赫自湖湘而轉戰江淮鋒摧虺豕爰頌勇號洵果銳之
名符俾領舟師實肅清之績偉援枹誓眾則義壯三軍
擊楫臨江則氛消五省用是冠飄翠羽渥沐恩褒服稱
黃裳隆選寵錫迨遂其省親之請愈勉夫報國之忱率
闡海之樓船旌旗動色樹長江之鐘鼓草木知名入覲
先皇迭蒙

溫諭韜鈴夙裕贊中興戡定之功任使攸隆備闕外股

威之寄兵輪兼管靖海國之波濤使節常巡整水軍之
步伐朕嘉其武略錫以宮銜作我干城方一心之匪懈
嬰茲疾疾何二豎之不虞奄逝倏聞軫懷倍切緬大星
之隕耀遽失鄂袞翼裔嶽之降神再爲申甫惟嘉名摩
錫迺茂勳長思功紀旂常慨英風其如昨光生筵几顯
恤命而有加於戲庶靈爽之來歆牲牲在御表勛名於
不朽竹帛永垂往荐馨香尙其祇受

晉封多羅端郡王冊文

奉

大承運